



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove

Broj: 04-27-1-3003-3/15
Datum: 17.02.2016. god.

Služba za finansije, privredu, komunalne i inspeksijske poslove Općine Tešanj rješavajući po zahtjevu prijevoznika „Jelah-bus“ doo Jelah, Tešanj, a u skladu sa članom 41. i 52. Pravilnika o načinu, kriterijima i postupku usaglašavanja, ovjeri i registriranju vozničkih redova, te sadržaju i načinu vođenja registra ("Službene novine FBiH", broj: 79/13, 91/14, 98/14) i člana 200. Zakona o upravnom postupku („Službene novine FBiH“, broj: 2/98 i 49/98) **donosi**

RJEŠENJE

ODOBRAVA SE promjena na registrovanim redovima vožnje prijevoznika “Jelah-bus” doo Jelah, Tešanj broj: 1-1/13 Jablanica-SŠC Dolac-Medakovo1 5:55/6:38 – 15:04/15:43; i 1-3/13 Šije-Borovi-Jelah-SŠC Dolac 5:45/6:38 – 13:10/14:04; 19:10/20:03, uvođenjem kooperanta prijevoznika SP “Automerc” doo Matuzići, Doboj Jug.

Redovi vožnje 1-1/13, Jablanica-SŠC Dolac-Medakovo1 5:55/6:38 – 15:04/15:43 i 1-3/13 Šije-Borovi-Jelah-SŠC Dolac 5:45/6:38 – 13:10/14:04; 19:10/20:03 u odnosu na usaglašene i registrirane redove vožnje, imaju status reda vožnje sa statusnom promjenom, i isti će biti upisani u Registar redova vožnje na općinskim autobusnim linijama Općine Tešanj.

Obrazloženje

Službi za finansije, privredu, komunalne i inspeksijske poslove Općine Tešanj zahtjevom za promjenu na registriranim redovima vožnje Jablanica-SŠC Dolac-Medakovo1 5:55/6:38 – 15:04/15:43; i 1-3/13 Šije-Borovi-Jelah-SŠC Dolac 5:45/6:38 – 13:10/14:04; 19:10/20:03 obratio se prijevoznik “Jelah-bus” doo Jelah.

Prijevoznik je od Službe zatražio da se na spomenutim redovima vožnje koji su u Registru redova vožnje na općinskim autobusnim linijama Općine Tešanj registrirani pod rednim brojem 1-1/13 i 1-3/13, 20.09.2013. godine na prijevoznika “Jelah-bus” doo Jelah, izvrši promjena i kao kooperant na ovim redovima vožnje registruje prijevoznik SP “Automerc” doo Matuzići, Doboj Jug.

U postupku rješavanja zahtjeva Služba je izvršila pregled dostavljene dokumentacije i ustanovila da je za nastavak rada na ovom predmetu potrebnu izvršiti dopunu zahtjeva slijedećim dokumentima i to, za prijevoznika “Jelah-bus” doo Jelah:

1. uvjerenja nadležnog suda da nije pokrenut stečajni postupak niti postupak likvidacije privrednog društva, izdano sa danom podnošenja zahtjeva,
2. uvjerenje nadležnog ministarstva da nije pokrenut postupak oduzimanja licence prijevoznika, izdano sa danom podnošenja zahtjeva,
3. uvjerenje Poreske uprave i Uprave za indirektno oporezivanje da prijevoznik posljednju godinu dana redovno i uredno izmiruje obaveze po osnovu javnih prihoda, izdano sa danom podnošenja zahtjeva,
4. uvjerenje Uprave za indirektno oporezivanje da prijevoznik u momentu podnošenja zahtjeva za uvođenje kooperanta nema dospjelih a neizmirenih obaveza po osnovu javnih prihoda,
5. uvjerenje kantonalne saobraćajne inspekcije da su redovi vožnje 1-1/13 Jablanica-SŠC Dolac-Medakovo1 i 1-3/13 Šije-Borovi-Jelah-SŠC Dolac uredno održavani u tekućem registracijskom periodu.

Za prijevoznika SP “Automerc” doo Matuzići, Doboj Jug zatražena je dopuna zahtjeva slijedećom dokumentacijom:

1. uvjerenja nadležnog suda da nije pokrenut stečajni postupak niti postupak likvidacije privrednog društva, izdano sa danom podnošenja zahtjeva,
2. uvjerenje nadležnog ministarstva da nije pokrenut postupak oduzimanja licence prijevoznika, izdano sa danom podnošenja zahtjeva,
3. uvjerenje Poreske uprave i Uprave za indirektno oporezivanje da prijevoznik posljednju godinu dana redovno i uredno izmiruje obaveze po osnovu javnih prihoda, izdano sa danom podnošenja zahtjeva,
4. uvjerenje Poreske uprave i Uprave za indirektno oporezivanje da prijevoznik u momentu podnošenja zahtjeva za uvođenje kooperanta nema dospjelih a neizmirenih obaveza po osnovu javnih prihoda.

Osim toga prijevoznici su dostavili prijedlog registrovanog reda vožnje 1-1/13 Jablanica-SŠC Dolac-Medakovo1 za održavanje u kooperaciji i pri tome napravili greške u koloni stajališta (dva puta ponovili stajalište Karadaglije (džamija) i u slijedećoj koloni kod oznake kilometraže, pa je potrebno ispraviti uočene greške i dostaviti red vožnje u skladu sa stajalištima i daljinarom kako je to na registrovanom redu vožnje. Takođe na redu vožnje 1-3/13 Šije-Borovi-Jelah-SŠC Dolac koje je predložen za kooperaciju, pogrešno su upisani nazivi stajališta.

Prijevoznici su dostavili dokumentaciju koja je djelimično uredna sa stanovišta vremena izdavanja, dok veći dio dokumentacije datira na period od prije 5 ili 6 mjeseci, pa je stoga neophodno da predmet dopune kako je to naznačeno u prethodnim stavovima.

Dana 12.01.2016. godine podnosioci zahtjeva su izvršili dopunu dokumentacije koju je Služba ponovo pregledala i konstatovala da i dalje postoji smetnja za nastavak rada na ovom predmetu, pa je svojim aktom broj: 04-27-1-3003-2/15 od 12.01.2016. godine zatražila dopunu predmeta slijedećim dokumentima - za prijevoznika JELAH-BUS doo Tešanj:

- uvjerenje Uprave za indirektno oporezivanje da prijevoznik poslednju godinu dana redovno i uredno izmiruje obaveze po osnovu javnih prihoda, izdano sa danom podnošenja zahtjeva,

- uvjerenje kantonalne saobraćajne inspekcije da su redovi vožnje 1-1/13 Jablanica-SŠC Dolac-Medakovo1 i 1-3/13 Šije-Borovi-Jelah-SŠC Dolac uredno održavani u tekućem registracijskom periodu;

a za prijevoznika SP Automerc doo Matuzići treba da izvrši dopunu predmeta slijedećom dokumentacijom:

- uvjerenje Uprave za indirektno oporezivanje da prijevoznik poslednju godinu dana redovno i uredno izmiruje obaveze po osnovu javnih prihoda, izdano sa danom podnošenja zahtjeva.

Tom prilikom ponovo je konstatovano da nisu učinjene ispravke na koje smo upozorili: prijevoznici su dostavili prijedlog registrovanog reda vožnje 1-1/13 Jablanica-SŠC Dolac-Medakovo1 za održavanje u kooperaciji i pri tome napravili greške u koloni stajališta (dva puta ponovili stajalište Karadaglije (džamija) i u slijedećoj koloni kod oznake kilometraže, pa je potrebno ispraviti uočene greške i dostaviti red vožnje u skladu sa stajalištima i daljinarom kako je to na registrovanom redu vožnje. Takođe na redu vožnje 1-3/13 Šije-Borovi-Jelah-SŠC Dolac koje je predložen za kooperaciju, pogrešno su upisani nazivi stajališta.

Nakon ponovne dopune predmeta, uvidom u kompletiran spis Služba za finansije, privredu, komunalne i inspeksijske poslove je utvrdila da u skladu sa članom 52. Pravilnika o načinu, kriterijima i postupku usaglašavanja, ovjeri i registriranju vozničkih redova, te sadržaju i načinu vođenja registra ("Službene novine FBiH", broj:79/13, 91/14, 98/14) prijevoznici "Jelah-bus" doo Jelah i SP "Automerc" doo Matuzići, Doboj Jug ispunjavaju uslove da se na redu vožnje prijevoznika "Jelah-bus" doo Jelah, Tešanj broj: 1-1/13 Jablanica-SŠC Dolac-Medakovo1 5:55/6:38 – 15:04/15:43; i 1-3/13 Šije-Borovi-Jelah-SŠC Dolac 5:45/6:38 – 13:10/14:04; 19:10/20:03, izvrši promjena uvođenjem kooperanta prijevoznika SP "Automerc" doo Matuzići, Doboj Jug.

Naime, na osnovu priložene dokumentacije ustanovljeno je da prijevoznik SP "Automerc" doo Matuzići, Doboj Jug posjeduje važeću licencu "A" za obavljanje javnog prijevoza putnika najmanje godinu dana prije podnošenja zahtjeva, da nad privrednim društvom nije pokrenut stečajni postupak niti postupak likvidacije kao ni postupak oduzimanja licence prijevoznika, prijevoznik u posljednju godinu dana redovno i uredno izmiruje obaveze po osnovu javnih prihoda, u momentu podnošenja zahtjeva za uvođenje kooperanta nema dospjelih a neizmirenih obaveza po osnovu javnih prihoda, posjeduje dovoljan broj autobusa da može obavljati prijevoz u kooperaciji na predmetnom redu

vožnje, uvidom u Registar redova vožnje ustanovljeno da prijevoznik nema registrovanih redova vožnje pa mu u tom smislu nije ni mogao biti obustavljen neki od redova vožnje.

Na osnovu priložene dokumentacije ustanovljeno je da prijevoznik "Jelah-bus" doo Jelah koji je upisan na redu vožnje i koji nije brisan iz Registra redova vožnje posjeduje važeću licencu "A" za obavljanje javnog prijevoza putnika, da nad privrednim društvom nije pokrenut stečajni postupak niti postupak likvidacije kao ni postupak oduzimanja licence prijevoznika, prijevoznik u poslednju godinu dana redovno i uredno izmiruje obaveze po osnovu javnih prihoda, u momentu podnošenja zahtjeva za uvođenje kooperanta nema dospjelih a neizmirenih obaveza po osnovu javnih prihoda, uvidom u Registar redova vožnje ustanovljeno je da za predmetni red vožnje nije bilo zahtjeva nadležne inspekcije za brisanje reda vožnje iz Registra redova vožnje radi neurednog održavanja niti zahtjeva za privremenu obustavu voznog reda.

U skladu sa izloženim i odredbama člana 52. Pravilnika o načinu, kriterijima i postupku usaglašavanja, ovjeri i registriranju voznih redova, te sadržaju i načinu vođenja registra ("Službene novine FBiH", broj:79/13, 91/14, 98/14) Služba je riješila kao u dispozitivu rješenja.

Pouka o pravnom lijeku

Na ovo rješenje dopuštena je žalba putem Službe za finansije, privredu, komunalne i inspekcijske poslove Općine Tešanj, Federalnom ministarstvu prometa i komunikacija Mostar u roku od 15 dana od dana prijema rješenja.

Dostavljeno:

1. "Jelah-bus" doo Jelah,
2. SP "Automerc" doo Matuzići,
3. web Općine Tešanj,
4. Arhiva.



POMOĆNIK OPĆINSKOG NAČELNIKA

Hamzalija Hojkurić
Hamzalija Hojkurić, dipl.oec.

